

13
WILH. HULDERICI Baldtschmiedts/
Doct. Instit. Anatom. Botanic.
& Philos. Exper. Prof. Ordinarii

PROGRAMMA

DE

VEGETABILIVM VSU
EXIMIO IN MEDICINA,

Quo

Ad herbationes publicas, proxime
institutas

Rei herbariæ Studiosos

peramanter invitat.

Kiliæ Holsatorum,

Literis Bartholdi Reutheri Academ. Typogr.



Edeuntes post hyemis inclementiam purpurei Veris delitiæ, Majusque mensis quem ingredimur, nova herbarum & foliorum viriditate, florumque diversicolore varietate campos, prata, sylvas ornans, & partem anni jucundissimam aperiens, excitant nos ad æstiva studia, plantarum nempe considerationem, earundemque non solum in cathedra pertractationem, sed in campis, sylvis, oculis institutam contemplationem, Medico necessariam, utilem cunctis, jucundam omnibus. Nolo in præsens vel dignitatem hujus scientiæ, vel jucunditatem, vel necessitatem ejus prolixis & ad pompam confictis verbis vobis commendare, sed insignem, qua præ aliis remediis pollent Vegetabilia utilitatem, exemplis quibusdam præcipuis ostendam, ut si ex his, tanquam ex ungue leonem, illam cognoveritis, tanto majus addiscendæ Botanices in vobis excitetur desiderium.

Quæ priscis temporibus erat humanæ gentis conditio, ut vegetabilium radicibus, herbis, fructibus potissimum vesceretur, procul a luxu, gulæque, quas recentius ævum excogitavit illecebris, utilitatis herbarum testimonium præbet evidentissimum. Nesciebant quippe mortales, simplici victu contenti, tot morborum agmina, quibus ab illo tempore, quo præter vegetabilia, animalium myriades in cibum vocarunt, conflictantur. Habent enim carnes aliquid cadaverosi, ut cum Helmontio loquar, & in ventriculo facile putrescunt, quod in vegetabilibus non adeo prompte fieri constat, quid mirum igitur, si hæc ad conservandam sanitatem, corpusque nutriendum apta magis esse videantur? Nec

Nec opus esse arbitror, hanc plantarum salubritatem pluribus adstruere argumentis, cum vel sola antediluvianorum vivacitas, potissimum victui simplicissimo & e plantis desumpto adscribenda, pro illa loquatur, & propositus mihi scopus, quo insignem ad curandos morbos, quæ in plantis latet virtutem celebrandam mihi proposui, alio me ducat; nulla quippe in amplissimo hoc naturæ regno invenitur planta, quæ non habeat peculiarem utilitatem, nullus morbus, qui hic non inveniat remedium, nulla pars corporis, cui non dicatum sit aliquod euporiston.

Capiti, bonæ mentis emporio, quot non dicatæ sunt plantæ, harumque partes? lilia convallium, pæonia, valeriana, betonica, salvia, majorana, & quæ non alia? Cuinam ignotæ sunt virtutes aquæ Reginæ Hungariæ, quas ex roris-marini floribus illa habet? *Oculis* dicata est euphrasia, verbena, fœniculum. *Auribus* chamomilla, lavendula: *Palato* prunella, quercus folia: *Thoraci & pulmonibus*, liquiritia, tussilago, hyssopus, veronica: *Cordi* scorzonera, acetosa, flores cordiales, cinnamomum. *Stomacho* tribuuntur acorus verus, galanga, pimpinella, aromata: *Hepati* cichoreum, plantago, rhabarbarum, absinthium, fumaria: *Spleni* asparagus, polypodium, trifolium aquaticum. *Utero* artemisia, matricaria, melissa, sabina. Et quis omnes recensere potest vel radices, vel herbas, aut flores, quibus singulares virtutes Deus, Auctor medicinae indidit, ut vitiis omnium totius humani corporis partium inserviant?

Si ad morbos eorundemque causas descendamus, nullus profecto inter illos reperitur, cui curando amplissimam suppellectilem non præbeat Botanica. Suggestit hæc anodyna
effi-

efficacissima , leniendis doloribus paria , ita ut non opus sit in incognitum istud Homeri nepenthes anxie inquirere ; sufficiunt nobis papaverina , crocus , ipsumque opium , sine quo , magnus Batavorum Hippocrates Sylvius se Medicum esse nolle , affirmare solebat. Illud dolores quoscunque demulcet, & vigilias compescit, curas pellit, blandamque quietem introducit, si nempe prudenter in usum vocetur. *Obstructiones* viscerum referant nonnulla, partes minus *laxas roborant* alia, abstergunt, discutunt. *Febribus* resistit absinthium , carduus benedictus , fumaria , centaurium minus. *Scorbutum* domat cochlearia , trifolium aquaticum. *Ictero* resistit chelidonium utrumque , curcuma. *Vermes* fugat tanacetum , corallina , rhabarbarum , filix , carlina. *Calculi* furias coercet allium , ononis , saxifragia , cerefolium. *Malignitati & venenis* resistit angelica , contrajerua , scorzonera , scordium , ruta , galega. Et ut verbo dicam, habent vel singuli morbi centum remedia, ex regno vegetabili deprompta, quibus vis & vehementia ipsorum obtundi, & destrui potest.

Sed vulgaria hæc sunt, quæ modo diximus, cunctisque nota , quæ tamen in affectibus contumacioribus illudunt sæpius expectationi medentis, quibus & suas antidotos suggerunt vegetabilia. Quid contumacius quartana febre, quid periculosius hydrope , ut in proverbium abierit tritum istud :

Hydrops , quartana, Medicorum scandala plana. His tamen remedia appropriata possidemus hodie , ut vere de Medicina nostra dicatur, quod Theophrasti Paracelsi epitaphio inscriptum legitur *Salisburgi, tollere illam dira ista vulnera , lepram , hydropisim , aliaque insanabilia corporis*

Contagia, arte mirifica. Eccui enim ignota est hodie corticis chinæ chinæ in quartana, aliisque intermittentium paroxysmis efficacia? Cortex est arboris Peruvianaë, circa medium seculi superioris a patribus S. I. Romam primo deportatus, & Cardinali de Lujo traditus. Incolis Peruvianis arbor dicitur Gannanaperide, cujus descriptionem lege in compendio apud Valentinum in Polychr. exoticis; reperies ibi historiam inventionis, contradictiones medicorum circa usum ejus, & quomodo a Talbotio Anglo, postquam Galliaë Delphinum per illam a febre contumacissima liberaverat, Rex Galliaë magno pretio redemerit, in usum subditorum propagandum remedium, qua occasione post annorum plurium oblivionem, in luce medica apparuit iterum nova hæc medicina antifebrilis, cujus equidem efficaciam nemo, nisi hospes sit in re medica, negabit amplius, cum tot prostent feliciter curatorum febricitantium exempla. Nec interne solum exhibitus corticis hujus pulvis febres fugat, sed quod mirandum, per clysteres inferiori gutturi injectum ejus decoctum, eundem præstat effectum, ut Heluetius, Practicus Parisinus in peculiari tractatu docet, cujus methodum veritati esse consonam toties cum emolumento ægrotantium observavimus. Nec in intermittentibus tantum, sed in continuis quoque vires suas exerit cortex ille laudatus, quemadmodum non sine felici successu a se usurpatum fuisse testatur Apinus, & alii.

Quid dicam de hydropo? Certe ubi remedia chymica, ex luna, marte, aut aliis mineralibus præparata nos destituunt, solus interior sambuci cortex, aut succus iridis nostratis, contumacissimum illum de-

bel-

bellarunt morbum , loquentibus Medicorum obser-
vationibus, & exemplis satis obviis. Phthisi, cui nec
antihecticum illud decantatum Poterii , nec tinctura
antiphthifica Michaëlis , & efficacissima quæque alia
inventæ sunt paria, sola vegetabilium decocta , succos-
que eorundem medelam atulisse, tam certum est quam
quod certissimum, & sistere possum Virum ætatis con-
sistentis, ante annos hos octo phthisi confirmata despe-
rate decumbentem, quem solius bellidis herbæ usu ex
orci faucibus retraxi.

Quis vero nescit, quam funestas strages in castris
præsertim edere soleat dysenteria, seu alvi fluxus cru-
entus, morbus periculossimus, cui tamen classis vege-
tabilium appropriatum suggerit remedium. Nota est
elogio illustris Leibnitii Radix Ipecacuanha, radix exo-
tica, ex Brasilia ad nos delata, descripta ante plures
annos a Pisone, specificum in dysenteria, hætenus ta-
men vel ob penuriam ejus, vel ob medentium negli-
gentiam, parum in usum vocatum. Postquam vero pau-
cis retro annis, Helvetius, Medicus Parisinus, quem su-
pra nominavimus, vires ejus in nosocomiis expertus
est, nunc usus ejusdem magis inclaruit, & non sine
successu adhibetur, si modo optimam & genuinam ra-
dicem semper obtinere liceat.

Nec faba S. Ignatii prætermittenda est hoc loco, cu-
jus virtutes in ventriculi & intestinorum morbis, affecti-
bus catarrhalibus, convulsivis, febribus, quæ continuis,
quæ intermittentibus, maximis encomiis extolluntur, ita,
ut si vera quæ de illis dicuntur, sunt omnia, in illis poly-
chrestum habeamus remedium magnarum virium. Ob-
stat tamen pretium ejus & raritas, quo minus plura expe-
rimenta

rimentā institui potuerint, sed hæc tempori illi reservanda sunt, quo major copia remedii ex Indiis ad nos delati ejus pretium imminuet.

Et quid dicam de Vegetabilium efficacia in profliganda lue, ab impura venere orta? Certe si vel sola china & sarsaparillæ radix, aut Guajacum lignum non suppetent, parum spei recuperandæ pristinæ sanitatis superesset veneris istis nepotulis: neq̃ enim semper illam, quam sperabant, in Mercurio sacram anchoram inveniunt, neque post toties incassum tentatam salivationem, reiterare illam sine præsentis periculo semper licet, sed solis vegetabilium decoctis curatio tunc instituenda est, quam sicut felicissime cessisse sæpius novi, ita etiam solis his decoctis sine ulla salivatione profligatum fuisse morbum turpissimum in quamplurimis vidi, nec denegandam esse fidem Abercrombio, qui tutam & efficacem methodum curandi luem sine mercurio & salivatione evulgavit.

Tantæ ac tales sunt Vegetabilium virtutes, quibus pares rarissime, superiores nunquam in reliquis naturæ regnis licet reperire. Quis igitur dubitabit, utilissimam esse generi humano plantarum considerationem? Qui non flagrabit desiderio pernoscenti vegetabilia cuncta cum in vilissimo gramine magnæ lateant virtutes? Agitur igitur Commilitones nobilissimi, & quas in commodum vestrum per æstatem instituturus sum lustrationes herbarum publicas, frequenti vestra præsentia ornatæ, præeuntem me sequimini, initium fiet Mensis Maji die X. hora matutina 7. nisi cœli inclementia aliud suaserit. P. P. Maji Mensis die VIII. MDCCVII.